



Broj: 16-12-16-2122- 8 /22  
I. Sarajevo, 05.04. 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 01.04.2022. godine, na preporuku Komisije za nabavke za potrebe Državne agencije za istrage i zaštitu u 2022. godinu broj 16-12-16-2122/22 od 05.04.2022. godine, u otvorenom postupku javne nabavke kancelarijskog potrošnog materijala za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke  
kancelarijskog potrošnog materijala za potrebe Državne agencije za istrage i zaštitu

#### **Član 1.**

U postupku javne nabavke kancelarijskog potrošnog materijala za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-2122/22 od 05.04.2022. godine, okvirni sporazum na period od tri godine, dodijeljuje se za:

- LOT 1 - Sukcesivna isporuka kancelarijskog potrošnog materijala, ponuđaču „GATARIĆ d.o.o. Derventa“, ponuda broj 16-12-16-2122-5/22 od 25.03.2022. godine, za ponudenu cijenu u iznosu od 64.800,00 KM bez uračunatog PDV-a i

- LOT 2 - Sukcesivna isporuka papira za štampanje, ponuđaču „GATARIĆ d.o.o. Derventa“, ponuda broj 16-12-16-2122-5/22 od 25.03.2022. godine, za ponudenu cijenu u iznosu od 66.900,00 KM bez uračunatog PDV-a.

#### **Član 2.**

(1) Ponuđač „GATARIĆ d.o.o. Derventa“ obavezan je ugovornom organu dostaviti dokaz o ispunjavanju uslova iz tačke 12.1. Tenderske dokumentacije.

(2) Dokaz iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### **Član 3.**

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

## Član 4.

Za izvršenje ove Odluke zadužuje se Sektor za materijalno-finansijske poslove Agencije.

## Član 5.

Ova Odluka stupa na snagu danom donošenja.

### O b r a z l o ž e n j e

Odlukom broj 16-12-16-2122-1/22 od 28.02.2022. godine pokrenut je postupak javne nabavke kancelarijskog potrošnog materijala za potrebe Agencije, procijenjene vrijednosti 140.000,00 KM bez uračunatog PDV-a, za koji je obavještenje o javnoj nabavci broj 1161-1-2-43-3-18/22 od 28.02.2022. godine objavljeno na Portalu javnih nabavki i u „Službenom glasniku BiH“, broj 13/22. Novčana sredstva za realizaciju navedene nabavke obezbijedena su u okviru budžetskih sredstava za 2022. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2022. godine („Službeni glasnik BiH“, broj 3/22) i Dokumenta okvirnog budžeta 2022.-2024. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - Nabavka kancelarijskog potrošnog materijala, procijenjene vrijednosti 80.000,00 KM bez uračunatog PDV-a;

- LOT 2 - Nabavka papira za štampanje, procijenjene vrijednosti 60.000,00 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 25.03.2022. godine do 12,00 sati, te da se ponude dostavljaju u zatvorenoj koverti, Komisija je dana 25.03.2022. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno tri ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„AERO-EXCLUSIVE d.o.o. Sarajevo“	LOT 1	79.675,87 KM
		LOT 2	92.777,80 KM
2.	„GATARIĆ d.o.o. Derventa“	LOT 1	76.634,44 KM
		LOT 2	84.270,44 KM
3.	„ELCOM d.o.o. Vitez“	LOT 1	79.698,00 KM
		LOT 2	70.300,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „AERO-EXCLUSIVE d.o.o. Sarajevo“ (LOT 1 i LOT 2), „GATARIĆ d.o.o. Derventa“ (LOT 1 i LOT 2) i „ELCOM d.o.o. Vitez“ (LOT 1 i LOT 2), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

Budući da je Tenderskom dokumentacijom za postupak javne nabavke kancelarijskog potrošnog materijala za potrebe Agencije predviđeno provođenje e-aukcije u skladu sa Pravilnikom, da su za LOT 1 i LOT 2 blagovremeno dostavljene tri prihvatljive ponude Komisija je dana 28.03.2022. godine sačinila Zapisnik o ocjeni prihvatljivosti ponuda i zakazala e-aukciju za dan 01.04.2022. godine i to za LOT 1 u 11,00 sati u trajanju od 20 minuta i za LOT 2 u 11,30 sati u trajanju od 20 minuta.

Prema Izvještaju o toku i završetku e-aukcije od 01.04.2022. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„GATARIĆ d.o.o. Derventa”	64.800,00 KM	1
2.	„AERO-EXCLUSIVE d.o.o. Sarajevo“	64.900,00 KM	2
3.	„ELCOM d.o.o. Vitez”	66.400,00 KM	3

Prema Izvještaju o toku i završetku e-aukcije od 01.04.2022. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„GATARIĆ d.o.o. Derventa”	66.900,00 KM	1
2.	„ELCOM d.o.o. Vitez”	67.000,00 KM	2
3.	„AERO-EXCLUSIVE d.o.o. Sarajevo“	69.920,00 KM	3

Nakon provedenog postupka e-aukcije, shodno Izvještajima o toku i završetku e-aukcije od 01.04.2022. godine za LOT 1 i LOT 2, Komisija je utvrdila da je za navedene lotove bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je nakon sačinjavanja rang liste ocijenjenih ponuda utvrdila da najpovoljnija ponuda ponuđača „GATARIĆ d.o.o. Derventa” za LOT 2 u iznosu od 66.900,00 KM bez uračunatog PDV-a, premašuje procijenjenu vrijednost javne nabavke za 6.900,00 KM bez uračunatog PDV-a (procijenjena vrijednost javne nabavke za LOT 2 iznosi 60.000,00 KM bez uračunatog PDV-a). Komisija je od Sektora za materijalno-finansijske poslove aktom broj 16-12-16-2122/22 od 01.04.2022. godine, tražila mišljenje po pitanju prekoračenja procijenjene vrijednosti nabavke za LOT 2. Sektor za materijalno-finansijske poslove aktom broj 16-12-16-2122/22 od 01.04.2022. godine dostavio je mišljenje, u kojem je navedeno, da s obzirom na činjenicu da je ponuda za LOT 1 niža za 15.200,00 KM, Komisija može nastaviti procedura nabavke za LOT 2, bez obzira na prekoračenje u odnosu na vrijednost od 6.900,00 KM. U okviru cjelokupnog postupka nabavke nema prekoračenja vrijednosti, a takođe kao rezultat navedenog postupka javne nabavke potpisuje se okvirni sporazum, tako da će realizacija biti u skladu sa raspoloživim budžetskim sredstvima.

Nakon provedenog postupka ocjenjivanja dostavljenih ponuda, cijeneći mišljenje Sektora za materijalno-finansijske poslove, Komisija je utvrdila da je ponuda ponuđača „GATARIĆ d.o.o. Derventa ocijenjena kao najpovoljnija ponuda za LOT 1 i LOT 2.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum u postupak javne nabavke kancelarijskog potrošnog materijala za potrebe Agencije za LOT 1 i LOT 2, na period od tri godine dodijeli ponuđaču „GATARIĆ d.o.o. Derventa”, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

**DOSTAVLJENO:**

- Ponuđačima 3x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

